

O aplikaciji

Aplikacija je namijenjena isključivo za korištenje u prodavnicama firme „Handmade Pokloni“, te za direktora i uposlenike firme.

Aplikacija korisniku pruža pristup informacijama i opcijama relevantnim za njegovo radno mjesto odnosno poziciju kupca.

Registracija na aplikaciju

Korisnik sa nalogom „direktor“ prilikom kupovine aplikacije dobiva i pristupne podatke za svoj nalog, te se pristup ovom modulu može promijeniti jedino u slučaju promjene direktora firme.

Prodavač je uposlenik koji radi u prodavnici te ima ograničen pristup aplikaciji. Korisnik sa nalogom „prodavač“ dobija korisničke podatke prilikom zapošljavanja. Administrator sistema u bazu unosi podatke o novom uposleniku te izdaje prodavaču podatke za pristup aplikaciji. U slučaju otkaza sa posla, korisnik se uklanja iz sistema.

Proizvođač je uposlenik koji proizvodi artikle te ima ograničen pristup aplikaciji. Korisnik sa nalogom „proizvođač“ dobija korisničke podatke prilikom zapošljavanja. Administrator sistema u bazu unosi podatke o novom uposleniku te izdaje proizvođaču podatke za pristup aplikaciji. U slučaju otkaza sa posla, korisnik se uklanja iz sistema.

Kupac je korisnik sistema koji pristupa sistemu sa nalogom „Gost“. Korisnički podaci za goste su dostupni na prodajnim mjestima.

Pristup aplikaciji

Korisnici pristupaju aplikaciji unosom svojih korisničkih podataka (korisničko ime i lozinka). Nakon uspješnog logina otvara se forma sa opcijama koje se nude korisniku zavisno od vrste njegovog naloga.

Opcije za direktora

- Desktop – u ovom odjeljku bit ćete obaviješteni o eventualnim komentarima na rad Vaših uposlenika ili na rad same firme. Da označite da su poruke pročitane kliknite na Pogledaj.
- Katalog – u ovom odjeljku ponuđene su Vam opcije pregleda kataloga poklona i dodavanje novog poklona. Ukoliko želite dodati novi poklon potrebno je da ispunite polja za opis poklona, dodate sliku, te za potvrdu unosa kliknite na „Potvrdi“. Da biste izbrisali podatke koje ste unijeli pritisnite „Reset“.
- Narudžbe – u odjeljku Narudžbe prikazat će Vam se podaci o aktivnim narudžbama.
- Feedback – u ovom odjeljku prikazani su komentari na rad firme.
- Stanje zaliha – u ovom odjeljku imate pregled trenutnog stanja zaliha, te ponuđene opcije za nabavku u slučaju potrebe.
- Uposlenici – u odjeljku Uposlenici predstavljeni su Vam učinci svakog pojedinog uposlenika firme.
- Kamera – omogućava Vam direktni unos slike poklona koristeći kameru

Opcije za prodavača

- Prodaja – ovaj odjeljak služi za bilježenje prodaje artikla. Unosite podatke o artiklu koji prodajete te klikom na Gotovo finalizirate prodaju. Sistem će zabilježiti prodaju.
- Kontakt prodavača – ovaj odjeljak Vam omogućava brzi kontakt bilo kog prodavača iz bilo koje prodavnice. Odaberite prodavača i unesite poruku koju želite poslati. Klikom na Pošalji poruka će biti poslana prodavaču kog ste odabrali. U slučaju da je predmet poruke hitan, označite kvadratić Hitno.
- Poruke – ovaj odjeljak Vam prikazuje poruke koje ste primili od dugih prodavača.
- Narudžba poklona – ovaj odjeljak Vam služi za narudžbu poklona u prodavnicu. U slučaju potrebe za novim poklonom, u ovom odjeljku popunite podatke o poklonu i odaberite Naruči. U slučaju hitnosti, odaberite kvadratić Hitno.

Opcije za proizvođača

- Pregled narudžbi – u ovom odjeljku ćete imati pregled svih artikala koje je potrebno napraviti. Kliknite na Započeto kada počnete pravljenje poklona, te označite Gotovo kada je artikal gotov.
- Prijedlog novog poklona – u ovom odjeljku možete predložiti novi poklon. Unesite podatke o poklonu, te predložite cijenu i priložite fotografiju. Za slanje prijedloga pritisnite Predloži. Sistem će obavijestiti direktora o novom prijedlogu.

Uslovi korištenja

Ova pravila i uslovi korištenja podložni su izmjenama i dopunama, a važećom verzijom se smatra ona trenutno priložena uz verziju aplikacije.

Pristup aplikaciji je omogućen isključivo zaposlenicima firme „Handmade Pokloni“.

Autorska prava

Cjelokupna aplikacija sa svim svojim modulima je zaštićena autorskim pravom. Ekskluzivni nosioci autorskog prava je developer team „Poklon“ i od objave aplikacije i u svim narednim godinama određenim zakonom ukoliko sam nosilac prava lično ne dozvoli drugačije.

Ukoliko primijetite kršenje autorskih prava, molimo Vas da prijavite kršenje na neki od sljedećih kontakata:

e-mail: emilusic@pokloni.ba (Edita Milišić, voditelj odjela za odnose sa javnošću)

kontakt telefon: 033 123 456

kontakt adresa: Developer team „Pokloni“, Zmaj od Noćaja bb, 71 000 Sarajevo